



柳田文庫
文庫11
D 147
2



文庫 11
D 147
2

010190553510



國朝風雅

蔣易編集

孫澹軒

擬古四首

劉師魯

言志序交四十韻答歐陽元翁

贈劉禹玉

李仲公

昭真宮半山亭

流民詩



昔年 寄元易 和汪簿 和仲舉

王尚志

阿圓曲

登臨川擬峴臺

題文學館壁

暹國回使歌

孫澹軒

臨川孫轍履常

擬古四首次楊志行韻

涉江采芙蓉江水何澄鮮
朱華映朝旭窈窕薰風前
相望不盈咫風波良獨艱
攬之置懷袖撫玩空長歎
春榮衆所慕泯默無復言

孟冬寒氣至眄彼庭中樹
忽得故人書中有相思
句故人隔異縣相望良獨苦
候蟲鳴廣除落葉被衢路
淒其對搖落登高詎能賦
白髮生鏡中荏苒流年度
故人歲寒姿亦有濟勝具
相期佩飛霞共飲金莖露

青二河畔草春至不復腓延緣被陂坂飽彼牛
羊飢荏苒時序遷王孫終未歸西風一蕭瑟楚
客空傷悲安知壯士心金石乃不移陰陽無停
運垂柳生金絲鳥鳴百花開迴首乃爾為丈夫
貴自勗千載以為期

明月皎夜光出自河漢東衆星爛以繁牽牛正
當中永懷乘槎人上與河源通逴遊徃從之杳
杳將安窮至人凌倒影千載幸一逢願言攬其
祛一洗塵埃空乘風遊汗漫歷二天九重有志
未能就憂心徒忡二

劉師魯

鄜川劉汶

言志叙交四十韻答歐陽元翁

袞袞滄江去茫茫暗谷移黑頭那敢恃華髮會
相欺遂起紛如歎能忘逝者悲著書誰發憤追
古獨忘疲講授嘗估畢研窮幾下帷群經元奧
妙百氏苦支離索隱妨脩業談經失秉彝反身
惟一理遵道豈多歧新意方來際陳言盡去時
夏蟲冰莫訝越犬雪休疑浮世春榮過幽園夕
秀遲後凋終有待直養可容虧向使常汙混寧
逃具眼唾投閑欣事省掃跡畏人知環堵差堪

戀長沙去若為趨庭因泮藻贈客且江蘿回顧
皋比冷還思寶玦遺羈愁生兩外鄉夢落天涯
每慨淵明菊將尋綺季芝未諧萊氏隱頻念鹿
門期友誼今踰薄儒流子尚竒剛腸俱比石末
俗竟如脂綴曲唯同病論詩固解頤率更仍翰
墨六一再文辭解接家聲遠兼扶士氣衰填篋
叅雅奏椿桂亞高枝正始音能續元和脚肯隨
渾雄親漢魏綺靡却陳隨浪許鯤魚舞雲看駿
馬馳駑駘羞抗臆鱗鱗愧揚鬢不盡沙金揀猶
聞璞玉治受辛驚絕倡勝已辱先施歐冶加鋒

鐫劉墻力墜茨吾儕非敢傲兕輩自宜麾學要
千年蘊名湏萬古垂匪徒攀屈宋深望泝瀟伊
天運流無息人生志勿卑操憐松鬱二節撫竹
猗二盡擬冷風脚何曾俗骨鑿煎膠得麟鳳歲
晚願深資

贈劉禹玉

劉郎方翔徒遊戲紫泥海千年華表非唯有寸
心在向來浙河西雄辯吞虹蜺手携九節杖東
入蓬萊栖我時探禹穴同看山陰雪千人萬人
中恠子獨超越朝騎白鼻驅暮逐油壁車得錢

即付酒携妓顏如花踏翻豪俠窟醉狎小人家
或嘲狂處士或謂報恩子從渠立名多詎識子
奇偉一朝去鄉國北上爭吹噓家無十金產袖
有萬言書所陳何事為國非自計寧遭丞相嗔
肯負丈夫志蹉跎十數秋甘與黃冠儔善藏倚
天劍未暇摩斗牛幡然走山東隱跡隨壺公還
尋岱宗去絕壑凌天風雞鳴上日觀眼亂扶桑
紅窺臨事未已逸氣橫萬里行歌齊魯間興為
廬山起廬山秀可餐怡此冰雪顏揮毫洒瀑布
五老開雲關遠公拍手笑喜見遺民還乃知士

不偶正可遊名山去年臥衡岳聊憇四海脚
垂君平簾懶賣伯休藥却呼魏夫人共把流霞
酌今年與山辭下走湘水湄臨風弔賈傅酌月
招湘累文章本踈蕩強忍終技癢光恠不可收
倏忽又千丈有時遇知音朗咏山中吟復恐兒
輩覺不得容山林茲辰忽聚首尉我別來久幸
勤四十霜所獲竟何有却懷居東時勇以功名
期焉知尚漂泊筋力供路歧舉杯置往念此去
安所之南窺古雲陽更了山川奇山川固娛目
慎勿過幽獨奈何白雲歌再送劉十六乾坤眇

蒼茫迴首眷空谷
我將秣其駒乃不受羈束願
子無遐心歸哉返初服

李仲公

昭真宮半山亭

番陽李存

策竹出晴郭泛舟越烟水行
二蒼翠間亭子翼然起
群仙厚遊客暫此休
鳥履俾無往蹇悔庶有窺
觀喜我來當六月楹檻冷於洗
靈苗紛不數老木靜相倚
猿猱音裊二沙石光齒二雲扃
尚何許世味良遠矣初如得此足
久覺未能已清厓稍呀豁
曲迳方迤邐當堅窮源興難與忘
返此為語後來人莫作中路止

流民詩

邳徐二州皆凶災流民如雲過江來布衣慄
泥水破黑妻騎驢兒在懷為余言之心膽摧剝
掘榆皮蘆白茨至今一貫一升米不去坐死何
為哉

昔年

昔年有語雙白頭棄我忽作齊梁遊雲鴻不來
音信斷瑤鏡塵昏秋髣亂君心一去如飄風妾
心死與黃河東清霜昨夜剪庭樹欲寄寒衣不
知處

寄舒元易

昔聞舒子言今已向三載可憐下愚者孽蔽不
自解百年真倏忽況此弱而癘嗟子古之徒菲
體辱相采絕怜溝中蛭豈識江與海江海未云
足天覆而地載明年亦多幸稍已開柵棧青
溪上山誓欲從子邁倘或與所聞雖死亦何悔
汪主簿清明不出見寄

人情雨中花客情松上烟苟非薛卞門何以歸
龍泉附驥知自遠慕羊徒得羶君看長舌人早
晚乾無涎所以汲太守穩作淮陽眠昨日出東
郭風榆吹綠錢流光一何情去我如郵傳道逢

誰家子饌奠新阡感此不能已戎笳吹晚天
和張仲舉見懷
淫汙冒郊郭昏墊如堯年坐令意中人十日墜
周旋問信既為俗見懷斯有篇若人妙詩才華
星麗秋天沈鮑不足避曹劉直欲肩時來林下
居密竹涵清消戶牖鮮云異言談多所然世情
有衰隆古道無陳鮮願為盤中漆莫作弓上弦
盤枯漆不落弦枯弓自捐

王尚志

廬陵王東

阿圓曲

秦城女兒字阿圓貌如明月更嬋娟嫦娥獨宿
還相妬宋玉多情祇自憐海紅花謝春光暮紫
燕引雛秋又去暗縮雙環絡緯鳴長成未識門
前路今朝對鏡掃娥眉相邀女伴話歸期不似
西家浣紗婦誤作吳王宮裏妃君不見偷合苟
容那復久況把黃金買妍醜

同鎮陽李先輩登臨川擬峴臺

楚塞蕭條客復來已無秋渚藕花開西風曠野

孤城出落日空江白浪迴山似襄陽非故國地
連吳會有高臺南遊萬里頻迴首潦倒徒傷賈
傳才

題文學館壁

主家池館臨官道門對琅玕如海島弟子讀書
編綠蒲詞人琢句思芳草憶昨送客悲年華隔
簾微雨東風斜春光滿眼忽自醉墻西一樹櫻
桃花

暹國回使歌

暹赤眉遺種天曆初嘗遣使入貢今

天子嗣位繼進金字表章九尾龜一象孔雀鸚

鵝各二朝廷以馬十疋賜其國王授使者

武略將軍順昌知州使者錢唐人江東羅

徹作歌僕遂和之

江東先生遠叩門口誦暹國回使歌高秋夜靜
客不寐歌聲激烈聲滂沱東南島夷三百六大
者只數暹與倭暹人云是赤眉種自昔奔竄來
海阿

先皇在位歷五載風清孤屿無揚波方今

聖代霑德化，繼進壤貢朝。鸞和紫金為泥，寫鳳表靈龜。馴象懸鳴珂，彤廷懷遠何。所賜黃驥白駱，兼青駟卉裳。使者錢唐客，能以周易通南訛。遙授將軍領州牧，拜舞兩頰生微渦。樓舡歸拍西洋路，向國夜々瞻星河。金雞啁晰火龍出，三山宮闕高嵯峨。番陽驛吏親為說，今年回使重經過。先生作歌既有以，却念黎獠頻驚叱。田橫乘傳嗟已矣，徐市求仙胡尔詫。豈如暹國效忠義，勲名万世同不磨。

國朝風雅

蔣易編集

何太虛

西湖山

遊穆山

五公寺

贈元復初

曉發薛夫磯

龍潭阻風

知非堂夜坐

風雨

發新淦

招仙觀

宿田家

送人歸臨川

絕江

送吳主簿

邗溝

謝友見訪

雲應觀雲遙

陳子仁

宿州詩六首

何太虛

臨江何中

西湖山

峩_二西湖山靈秀入空碧蘿陰轉累磴松色漬
幽石微霞生絕陁飛溜洒歆辟鶴鳴巖光動花
落雲影圻危榭登古壇百年此一息聲影混大
荒不見興滅跡剛風三天寒元氣萬里色悵望
仙子期凝神撫玄極

游穆山

秋陰出南郭佳色來遠山悠然度野水却宿前
林間朝氣銳幽步相攜上孱顏行穿綠蘿遠共

愛青衫閑已窮高原路忽得雙石闕飛烟帶香
氣深木藏幽潺景晏鍾磬寂桂花滿苔斑道人
一尊酒時聽風珊二多悟從此始塵緣諒能刪
空廊對微雨亦復不知還

五公寺

久幽馱拘維暫弛欣舒散近閑得禪扉擇步歷
蒼蒼蘚沉二松陰重艷二水光遠殘花起餘香乳
禽響新轉虛廊清晝長高僧坐談簡學空素所
昧慮遠還自遣移晷始知歸生烟滿林晚

贈元復初

暖雲沍青堤光風轉芳甸遠在天一涯幽沉限
聞見點二秋歸鴻翻二春來燕天路萬里通胡
塞絕遐矐竒姿奪南國悵望愧踈賤良會尉宿
心願君畢歡宴

曉菽辭夫磯時友李洞先行

菽暗雞鳴村平皋下殘月參差隣舫語櫓聲帶
潮菽露華望中白篷陰散秋髮沙鳥知曙鳴海
雲上空滅念我前行友青山已飛越遲爾及相
携無嗟賞心歇

龍潭阻風夜興

水宿滯行期前津北風惡林寒燈影深莎雞滿
籬落菜忽寄孤迥淒清愧離索年光星河轉夜
氣衣裘覺我前勁翻翻我後大魚躍潮痕侵柳
根移舡避沙閣

知非堂夜坐

前池荷葉深微涼坐來爽人歸一犬吠月上百
蟲響余非洽隱淪隙地成偃仰林端斗柄斜撫
心獨悽愴

風雨

池上風雨來柴扉人迹絕隔水烟氣生林峯半

明滅蛤吠秋草深魚驚晚荷折孤卷倚佳床微
紅隱天末

發新淦

振衣上野航回首謝山阪日澹秋水空風清片
帆遠沙光侵岸發峰影隨人轉前渡烟火深離
亭今路緬

招仙觀

逶迤溪南路窈窕招仙谷空堂兩道人殘碁映
深竹一葉響踈籬雙鴉啼高屋出門隨歸人遠
燒在山麓

宿田家

村暗烟火生林深雞犬靜
麥花如積雪月色淡
相映鄰家夜汲歸寒蛩滿幽徑

送人歸臨川

金河踈柳外去櫂響
汴澌為客有歸日
送人愁別時
寒雲隨鴈遠
南雪到山遲
舊隱書無恙
行藏莫預期

絕江

挂席亂驚湍
曾過此渡難
潮歸揚子晚
山入秣陵寒
聽語知鄉近
忘年計日寬
穩行隨夜泊
烟

火滿江干

送吳主簿之官石埭

簿領池州去
開帆帶雨微
當今公事簡
見說縣人稀
雲入九華碧
鴈經秋浦飛
丁寗槁下水
官滿載書歸

邗溝

衰柳殘荷并慘然
青山隔岸弄嬋娟
多情惟有邗溝水
長送江南過客舡

謝友人見訪

荷笠深山采藥迴
荆扉石逕損秋苔
花邊稚子

相迎說昨日有人騎馬來

靈應觀雲遙

默煩取蕭閑幽賞入雲遙上堂聞響版山童質
辭令地寂室生涼體暢心逾靜幽門看木陰佳
鳴發清聽風光勻可愛水色澗相映真契成自
怡歸路得新詠城市今滯留將無失幽性

諭立之撰行述云先生六歲記誦九經稍長
以詩名年四十四始携所著書來
京師翰林長姚王諸公列薦之命未下而歸卒
年六十又八先生所著有知非堂豪十七卷
易類象二卷書傳補遺十卷通鑑測海二卷
通書問一卷補校六書故三十一卷嘗謂學
者曰人之於學雖一藝一能不至古人不名
為學而况聖人之道哉草廬先生亦以一代文豪許之

陳芝巖

宿州作

希林陳復子仁

郡秦名泗水城沛理相山屏蔽江淮右文章繪
渙間分田屯庠旅改邑築龍顏梁楚紛紜革天
公竟好還

其二

春秋盟彼宿其地即無鹽此宿城長慶邊淮戍
建炎民田惟種麥國賦半輸縑亭扁扶疎竹雙
碑灑子瞻

其三

城貫長堤柳滿鴉防秋帶月聽鳴笳甬橋無渡
波通漕靈壁徒聞石臥沙閔子幽林埋故里虞
姬孤冢屬誰家幾多折劍沉睢水若箇當年斬
白蛇

其四

聞道苻籙睢上居主人從諫擊毬遺風謬詫
朱雞石故事猶傳白兔書民起廢橋聞渡席官
開響泊為求魚屯田好在斜陽外一帶青山接
北徐

其五

涉先劉項設戎機九死何慙一布衣王楚竟伸
鴻鵠志亡秦終挫席狼威于今氓隸無遷徙自
古英雄有是非草暗荒城埋甕牖空餘燕雀迭
祠飛

其六

龍舟泛霧漲黃埃看了瓊花不再來桃杏遶堤
千百里春風疑是錦帆開

陳復字子仁博學強記喜高論有氣節與
人言終日灑二可聽時雜譁笑終不為軟
媚語卓然有守之士也善行草書及畫崇

山茂林翁然可愛初辟憲府史不就晚年始為宿州學官此詩宿州所作也讀是詩者亦足知其人矣

國朝風雅

蔣易編集

吳彥輝

古鏡

夏夜偶成 二首

春日郊望

題故宮山石

詠塵

訪道士不遇

山中

李五峰

蓮葉何田田

衡門有一士

題畫史卷

題梅卷

餅有粟

沂有梁

君乘馬

釣魚

箕山操

茅山謠

江山謠

過王貞婦廟

寄朱希顏

寄薩天錫

寄達兼善

吳彥輝

古鏡

吳炳

鴈去悲銀海螭蟠泣鬼工黃腸迷漠栢野火上
秦蓬濃翠凝螺黛鮮朱漬守宮溱添燈暈黑文
滅繡奩紅一旦珠還浦千年劍出艷霧餘空黯
淡雲在月朦朧伏獸銜絲結蒙絺畫羽蟲粉綿
施婉轉臺玉刻玲瓏匪茹曾申誠惟明可保躬
他時賜盤鑑來照夢中熊

夏夜偶成

有恨空憑檻因涼獨近楹雨留楓樹滴波碎月

池明班女休題扇
緜仙約弄笙
所懷今不見
鍾鼓隔重城

其二

樹鵲栖難定
槐蟬噪未休
露侵弦柱澁
月映簾紋流
年髡空嗟晚
情懷預怯秋
畫屏搖短燭
獨坐數更籌

春日郊望

陽林上初旭
散策臨郊甸
藉草綠已滋
攀桃露猶泣
覽物時屢改
懷人縝將變
械情待朋知
及茲事遊踐

題故宮山石

當時豐暇豫
積石事行樂
佳植被陽厓
飛淙響陰壑
跡往異朝市
春來長荔藿
惟有帶地川
東流抱烟郭

詠塵

氛氲隨騎集
散漫依風度
似霧暗津樓
連雲隱郊樹
漸迷烏几色
已失京衣素
嗟余南北人
長年事行路

訪道士不遇

玄鶴衝開樹
杪雲靈風為
掩竹間門
苦無柿葉

書名姓惟有蒼苔記履痕

山中

山人寄聲至酒熟期共酌呼童抱鳴琴起赴林
下約
引杖探溪流今朝添幾許定是岫中雲去作山
頭雨

武夷彭元亮自北還達蕪善宋顯夫王在
中吳彥輝李五峯張仲舉陳新甫各錄其
所作若干首以贈易得而併錄之元統二
年冬十月記

李五峯

蓮葉何田田

永嘉李孝光季和

蓮葉何田田宛在水中央別離不足念亦復可
憐生蓮葉何田田見葉不見水貧賤貧賤交富
貴富貴友花生滿洲渚不復葉田田持身許人
易持心許人難

衡門有一士

衡門有一士閉門恒苦飢俯仰良自惜日晏猶
弦歌小人未足畏君子或見之寧為蘭玉摧不
為蕭艾滋

題畫史朱好古卷

真宰簸橐籥笑睨造化爐鼓金鑄賢智搏土作
下愚畫史天機精竊見造化樞盤礴解衣緞當
軒舐鉛朱沾塗狡兔翰神氣如走珠手掣巨鰲
簪瘳革生肌膚六丁拔山來下無根與株海風
吹之凝累二挿江湖其中有幽人傲兀不可呼
已知畫手好令我心踟躇五湖風雨夕逕去理
釣舟子技亦精絕白玉無疵瑕誰能薦天子遣
之畫雲臺一朝被賞識富貴真萌芽但訪青牛
君乞受黃金壺

題梅卷

北風吹倒山三日雪塞門惜二岩谷裏萬木命
在根天翁粲然笑洗出明月魂春如鼎中香已
覺火力温

餅有粟

餅有粟兮孰云吾瘦居有宮兮孰笑余陋脚冬
有褐兮又焉用乎文繡人余哀兮莫余知入事
父與母兮出從仲尼謂蠨蛸兮無罟我戶吾脯
歌兮其下

沂有梁

沂有梁兮維鯉維魴沂之兩厓兮有棗樹桑居
沂之人兮寬裕而善良古之人兮翱翔
余其歸老兮沂之南東

君乘馬送彭元亮

君乘馬兮余追于仁君乘舟兮余望于沙遠而
不見兮涉江與淮豈無人兮余望余之所思鵠
鵠高飛兮孰知其志道之將行兮又將焉求

釣魚

上山而笑兮下而釣魚豈如他人兮唯富貴之
求三公執柄兮念子之多才將子歸輔兮誰繫

駒功成而歸兮來從余遊

箕山操

箕山之陽兮其木參_二箕之冢兮白雲幽_二彼
世_之人兮孰能遺我以憂雖欲從我兮其路無繇
朝有人兮來飲其牛

茅山謠

道人兩髯青如蓮大醉上山捫青天青天蕩_二
玉盤出引手舉盤天上懸銀河傾倒掛樹影長
風吹香落丹井地上小兒霑玉馥白兔急搗玄
霜熟惜_二仙家十二樓夜半起拂跋烏浴手招

茅君叫列仙帶劍上立紅雲前茅君騎席上天
去道士乞我明霞篇

江山謠

元氣菌蠢生蛟龍銀河倒插金芙蓉九疑正在
九州外碧樹峭二連丹楓上有萬古不死之明
月下有掀天巨浪之長江有客有客陸叟蒙往
來江南成老翁天地無家屢回首放船去踏江
上之青峯舡頭十日懸青雨風拔銀山映東戶
山隨沒鷓落中原水作巴蛇走全楚向來英雄
定黃土空遺絹素杯今古天地一合如金甌万

歲千秋奉明主

過王貞婦廟

山下江流幸自清山頭明月已無情此心若愧
王貞節莫向清風嶺上行

寄朱希顏

城頭鼓鑿雨淒淒溪子牽舡上惡溪會有行人
回首處兩邊楓樹郭公啼

江邊鴻雁下年二客子何由兩鬢玄七十二灘
秋月白荻花風落釣魚舡

寄蔭天錫

五卷
四
月子纖二青海頭使君昨夜過揚州城中高結
瓊花樣去聽吹簫何處樓
二月江城未見花笛聲哀怨起誰家曲中大半
傷離別馬上無人寫琵琶

寄達兼善

城上烏啼欲閉門蕭二風雨又黃昏无端畫角
連雲起鐵鑄梅花亦斷魂

叶韻近代用之者鮮獨於五峯屢見之如前詩生與央叶舟寂
臺芽並與壺叶東與翔叶上沙准志求並與思叶魚駒並與遊
叶風佩手騷選之遺音然欲效之者必考據詩騷及材老叶音
補韻而用之斯為善矣不然如閩人以高叶歌韻浙人以籃叶
山韻適為抵掌之資尔可不慎歟
後至元四年五月廿日
書



國朝風雅

蔣易編集

彭元亮

蘭在

明箴

冲冲

渺然

南溪

懷仲微

愧淺

無為人所憐

楚山

相重

湘中曲

長絃曲

珊瑚

武夷宮

淵明辭

高山辭

懷故人

懷彥肅

寄兼善

月明歸路

長笛

曲溪

小橋

清池

釣魚畝

野雀

樓上

楚雲曲

人心

溪亭

草亭

薄酒

青藜

絕句四首

常仲微

元亮南歸

與元亮對靜論學有感

聞蜂

寄對靜

彭元亮

武夷彭炳

蘭在

蘭在_二楚澤蘭在_二楚山古人見心易今人見

心難

蘭在_二幽谷行子在此路慕蟲居_二茶中人生不

知苦

明鏡

明鏡倚脩筠撫擘自清絕明河夜無聲茅亭四
檐月露寒雀夢醒山花落香雪白雲雖無心今
宵倘怡悅持杯欲問之忘言楚天碧渺然思美

人芙蓉似顏色乘鸞月明中青霞擁鸞翼并
別離時吹簫苦幽咽

冲冲

日月行天高日月行天深高深億萬古斂之一
寸心冲坐盤石壁樹落秋子欲涉九疑山風
吹白雲起玉壺滿清露可以沐九州縹緲桂林
西霓裳歌未休

渺然

明月照脩竹繁露驟龍珠風起青松枝白雲行
太虛人心海一粟獨涵千古餘乾坤不敢先渺

然万化初安得挽銀河從今洗天樞

南溪

南溪種脩竹千畝青娟開門看流水心在崑
崙山年來病如雀蹙垂凍翰瘦筇懶扶策世
路空漫東皋幸有地可廬亦可田聊且飲美酒
濯我心上煩醉歌淵明詩山月照面寒我病何
時瘳持杯問青天

商州道中懷仲微

初日照風林扶疎動清影磔好鳥鳴微雲度
脩嶺裴回望藍田青山見錐穎下有如玉人思

之暗愁耿松竹在窗戶馴雀舞柔頸兀二茅亭
中焚香淪春茗長詠芙蓉詩澄波願千頃

愧淺

漢宣在冲幼危食劔刃間壯大履宸極罔知丙
氏恩大夫在帝左侃二不自言光武草昧時嚴
陵相與友乾坤洗瘡痍文辭乃天子子陵被羊
裘逃往釣江水兩公絕世賢愧死淺丈夫何敢
擬高風尚不漂母如

無為人所憐

前有億萬年後有億萬年寓形此穹壤百歲指

一彈古來多少人滅沒已不聞草木與同腐可
憐生世間獨有聖與賢明名長久存聖賢在世
時小心常畏天終始履周道沒身無過言所居
至廣大靡物可與權万乘不為泰一瓢亦自尊
我當師聖賢無為人所憐

楚山

楚山琢青玉斗酒浮漢江叩舷歌明月慷慨過
楚邦亡國非所卹鹿門思老龐此心出万物富
貴焉可降臥龍拜床下高風古无雙

相重

申韓掃溷風秦呂有天下九圍無建侯經國棄
王霸相權重亾山四海自陶冶李斯至不仁駢
民納機獲忽如楚火炎咸陽半天赭漢朝相有
功蕭魏古人亞王陵聊可師平也騁竒詐元后
資大姦操威變劉社董兇誰召之東京解如瓦
大盜工竊攘神器陷曹馬下民何命窮皇天武
侯捨六朝吾馱之無屑論王謝李唐雖寘琬房
杜鳳皇多彼勦成武殃誅夷豈天假向非狄張
才廬陵恐殖鮒開元藉妣宋天宇耿光射林甫
披劔腹清陽竟長夜後來鍊赤心何由補天罅

宋田膏雨深鉏耜長靈稼李韓諸大臣聲光泝
風雅氣機春樹花風雨易蕭洒天津愁杜鵑安
石亂王化沉痾蘇未蘇妖狐舞秦賈

有元元氣舒京國鳳麟舍昂二天馬來長風九
州跨金根承五雲矯二六龍駕弭弓休虎魄弦
歌滿華夏比年天寘情兵塵湧岷華大風掀海
空烈日悴中野股肱非不良干戈幾時罷青山
雖晏如憂心靡紓寫安得起夔龍與之為御者

湘中曲

龍挾天河墮江階天子騎龍上天去韞二藏劔

鑿黃雲日落蒼梧一抔土兩鳳追天住湘浦紅
淚湘筠滿秋雨青山九點又春歸花落無人見
韶舞

長絲曲

青池秋高霜露繁蘆葉浸水長闌干風吹枯荷
雙白鷺池上木落雲漫二蕭馬鳴燕草殘小
窗清砧山夜寒乾坤如繭繰未了古今長絲千
萬盤

珊瑚

珊瑚生樹碧海底安得騎鯨斫大枝獨下昆侖

倚風露瓊花吹落酒醒時萬山雲盡水百折中
夜月高天四垂不信此心如雪白漢江同去照
漣漪

武夷宮

仙人縹緲踏春鴻月落青峯第幾重琪樹雪中
巢一鶴石壇秋後蟄雙龍古時有家埋黃帝今
日無人見赤松獨愧曾孫幔亭上翠華同醉玉
芙蓉

淵明辭

醉倚蒼江看落花阿舒扶上短轅車河山萬里

皆劉裕五柳春風自一家

商山辭

紫田雲細玉芝香龍蟄山潭草樹光清夜鳴
弄明月一鏡華髮釣秋霜

懷關中故人

長安三月酒如酥花落平隄水滿初楊柳簇門
齊下馬九龍池上看叉魚

懷彥肅

山亭濁酒思崔煦天渴無人獻露瓢偶見癯僧
採方竹雪溪扶過木長橋

三年不見瓊花樹脩竹長松獨倚樓一片白雲
東海上又隨春雨過揚州

寄兼善

月在天遊恰半痕手斟河漢上金盃如今洗得
都明徹照見南山萬樹根

月明歸路

常時花柳暗春風紅袖鉤心嚙小鍾昨夜珠簾
罷歌舞月明歸路馬如龍

長笛

長笛鳴
揚柳枝捲簾清夜酒醒時光風亭外

春無影明月中天水滿池

曲溪

曲溪山崦白雲多歷二梧桐紫鳳窠釀得冷泉
成琥珀月明吹笛看天河

小橋

落花如雪馬蹄香幾樹黃鸝欲斷腸行到小橋
春影碧一溝晴水浸垂楊

清池

春風畱夢碧椀枝雙鳳吹簫月上時誰與秋蓮
共秋色白鷗如雪落清池

釣魚

酒醒舫在子陵臺万壑千岩玉琢開拋却釣魚
雪落一雙青鴈恰飛來

野雀

野雀高風雙羽寒重雲吹盡過潼關行人指點
青天角一簇三峯是華山

樓上

輓轡鳴曉夢初醒樓上南山暗又明一片傷心
無處著渭川流過漢家城

楚雲曲

花梢溜雨濕春泥
花底縈愁兩燕低
小院玉筍檀柱冷
楚雲凝夢上安西

人心

杯酒干戈相死生
人心窄路馬蹄驚
太行若把填東海
展得中原万里平

溪亭

溪亭春草綠
白鳥下初晴
柳鎖長堤暗
花搖深水明
惜二隔簾影
媚二聽簫聲
自酌壺中酒
無窮天地情

草亭

窗戶連清泚
草亭如小舟
都來一壺酒
消得百年憂
燕拂輕花過
雲隨曲水流
綠楊沉影處
清殺兩鷗浮

薄酒

薄酒歌
明月清驕不解愁
此心無險薄
何處有恩雠
春水洄青澗
桃花繞白鷗
乾坤如小艇
罷釣足優游

青藜

青藜扶倦足
芳草上坡陀
雨過梨花盡
鶯啼柳樹多
人心如海水
世路有風波
草莽非無酒
傷

春可柰何

絕句

磯頭繫渙艇林下訪樵牧炯然一白鷗獨有滿潭綠

獨酌玩溪水溪水清且漪山月忽飛來皎然誰與期

酒醒悅山桂流泉夜彈箏獨上青峯去中天見月明

坦坦黃金道蛾眉七珥車莫隨雙燕子容易落人家

常仲微

元亮南歸

藍田常冲

人生百年期柰此日月駛同心隔山水悠二兩
愁悴三年再相過涉彼萬餘里茅亭益朋簪芝
蘭本同氣風雨夜不眠談經每心醉今晨又言
歸執手慄垂涕秦嶺雲翳空灞岸柳搖吹誰言
食蘗苦未試別離味願保千金軀无羞古人事

與元亮村靜論學有感

秋水芙蓉玉一枝飄然不受俗塵緇植根共恨
池塘小政要汪二萬頃陂

艸木經霜賦苦辛繁華元不是天真殘枝敗葉
凋零盡才見從根一點春

聞蜂

案上菖蒲抽短葉
窗前脩竹澹青霞
恠底山蜂喧永晝
飛來採地膚花

寄村靜

馬上清明南郭別
山中長夏幾相思
茅齋踈竹生秋意
可是良宵對榻時

國朝風雅

蔣易編集

張仲舉

春日懷柯博士

金陵武定橋晚眺

夜思

九日行湖上

寄韓伯清

暮矣

前苦雨

西城路

陳雲疇

崔微写真

京口送戴壽卿

焦山題塔

都下思親

與茅山道士同宿石門

倪太字

春日雲林齋居 聽袁子方彈琴

送徐元度

曾模遠

次舍弟見寄韻 丁卯元旦

挽張宗師 挽陳巡檢

次韻 次韻尋梅

送王宗文 次韻同拜先塋

張仲舉

晉寧張翥

春日懷柯博士

建章鶯囀曙光初上直門開漏點疎花擁西清
森仗衛星臨東壁煥晷書漢庭長者多推轂
國騷人早卜居為問五雲仙閣吏絲毫春詠近
何如

金陵武定橋晚眺

赤闌橋下暮潮空遠火疎鐘杳靄中星月半天
分落照斷雲千里附歸風嚴城鼓角秋聲壯故
國山川王氣終莫訝時來一長望越吟荆賦思

無窮

夜思

月落未落山四更雞啼欲啼霜滿城起看北斗
寒挂地俯聽長江流有聲今夕何夕耿無寐千
古萬古難為情欲持心事出門去哀歌坐待東
方明

九日行湖上

是節寂閑情隨山得散行西風片雨過落日半
湖明野菊黃堪把官醅綠可傾坐來無限思散
入遠鴻聲

寄韓伯清

淫雨俄如此能傷稼穡無積陰霾日月愁色滿
江湖老大心空壯艱難道愈孤羨人秋水外不
寄錦襜褕

莫矣

暮矣年光速淒其世慮多半生縣磬室萬事缺
壺歌禿木風難響寒雲日易蹉向來出處意不
決欲如何

前苦雨

久旱半中原所向嗟赤土饑人各流散孰救農

事真宰亦何心南國獨多兩願回龍公力鞭
此雷電怒托雲過趙魏霈澤連宋魯黃埃復為
泥猶及望秋黍吾家遺骨肉汾上有場圃庶慰
萬里思殘生免豺虎

西城路

西城路多少人從此中去昨日紅顏美少年今
朝白骨委黃泉縱令藏金比山積鬼伯不受人
間錢少年何用誇豪富來看城西送人處

陳雲嶠

泗水陳新甫

和王叅政崔徽寫真韻

芳時無語惜年華
綵筆何心賦落霞
鏡裏自憐人似玉
天涯不隔貌如花
雙瞳蘸綠橫秋水
高結堆春擘碧鴉
猶勝無金買延壽
黑山空使夢還家

京口送戴壽卿之金陵學錄無寄劉雲松

壘城至冶城山影碧峻嶒
泮水春纔動零壇價已增
烏臺爭薦鷓鴣海看飛鵬
問訊雲松客清

溪隱釣罾

焦山題塔

樹老雲間鳥宿洞深月落潮迴此時此興不淺
何日何年再來

思親都下與妻兒夜坐聞歸鴈作

天外東風吹塞沙忽聞歸鴈落梅花江城此夜
正春雨獨倚闌干心到家

與茅山李道士同宿石門

山空萬籟沉論語對青燈君本無心侶吾真有
髮僧

倪太宇

毗陵倪鑽元鎮

春日雲林齋居

臨池春流駛掃地夕陰滿正襟味道言超遙坐
溪館嵐嶺當書榻煩襟一舒散靡_二松花黃逐
逐雲氣暖石梁青苔合於馬人跡斷故非與世
違冥栖遂忘返

聽袁子方彈琴

蕙悵凝夕清高堂流月明芳琴發綺席列坐散
煩纓迴翔別鶴意縹緲孤鸞鳴一寫永霜操掩
抑寄餘情

送徐元度

荷鍾深林春雨餘
艤舟沙岸燕飛初
去尋天上仙人佩
肯顧山中隱者居
霜月四更提劍舞
田園二頃帶經鉏
蘭榮柳密南簷下
仙子雲間枉尺書

送朱善長

之子才華足起予
迥如明月麗清渠
方誇道韞哦春雪
已見梁鴻挽鹿車
榕葉擁厓山店遠
海濤喧枕夜城虛
明年好鼓澄江柂
歸奉江波雙鯉魚

善長子孫婿時與婦侍親入閩中

曾模遠

南豐曾元烈

崇安次舍弟君靜見寄韻

功名本是男兒事
牢落其如薄命何
千里每懷吾弟遠
數年相別故人多
悠悠世態風前葉
渺渺歸心海上波
獨夜不成春草夢
倚闌無語看星河

丁卯元旦次君靜韻

又賦清河入頌聲
吾儕端見泰階平
風前畫角城池曉
雲裏珠旗觀闕晴
一脈春陽回造化
萬方民物賴生成
傳聞欲下雞竿詔
却愧輸忠荅

聖情

挽張宗師

自是先

皇識異人蓬萊一見別稱臣
玉章進號頒龍寵
金鼎朝元降鳳鈞
千歲豈無丹換骨
五朝終有道
全身故宮深鎖烟霞跡
芝草琅玕別有春

挽陳巡檢

一官無命亦堪悲
迢遞閩南旅櫬歸
雲暗海門
鷗已沒雨寒江路馬空隨
家童掩淚收殘橐
慈母挑燈認故衣
百尺畫樓如舊日
斷腸烟柳不

勝垂

次韻

豈是金臺無路通
不隨桃李媚春容
三間破屋
青山下數卷殘書
白日中柳市亂鶯喧
露翠蒲塘幽鳥啄沙
葑瀟然巾屨無閑事
獨立溪南看晚虹

次韻許錄事尋梅

訪梅幽勝地長憶在錢唐
湖水孤山側石橋官道
傍雪晴鵝鷺集雲暖
蝶蜂忙一平林和靖墳
前草亦香

送王宗文之武寧學官

柳山三百里君去政芳年詩思春雲外書聲夜
雨前乾坤夫子鐸歲月廣文壇況復興科目乘
時各勉旃

次韻曾英山同拜先塋

拜掃先人墓傷心下馬陵霏_二三月雨霖_三九
京燈坂遠水平帖峯危石亂層蒼苔醉尊酒來
此記君曾

模遠以父蔭來監昭武務曹數相過言詩
嘗錄其所作如此丙子中元日思勉齋書

國朝風雅

蔣易編集

陳節齋

送楊治中

落花寄石子章

出招遠

和林道中

王景初

南湖道中_{三首}

贈李漢

吳維申

車遙_二

古釵嘆

東園有桃李

西齋

呈劉省菴

送舍弟古意

宋子虛

公莫舞

妾薄命

烏夜啼

樂府五首

華蓋逸人

李翰林墓

遊天姥山

銅陵五松山中

寄王子長

送倪水西 詠石

郭以道

海東青

入京二首

王靜得

晚望

清明

東歸

元日

陳節齋

送楊治中例免北歸

不及瓜時謝政還離筵草二送歸鞍將身許國

心元壯立事无功興易闌萬疊雲山孤劍晚一

鞭風雪短亭寒馬頭依舊長安道未是人間行

路難

落花寄石子章韻

蘭麝香消委廢宮紛二漢二夕陽中長門夢斷

金閨月南國歌殘玉樹風流水池塘春色去綠

陰庭院綠雲空西園半醉休回首烟草萋二雨

正紅

出招遠

西出山城入暮雲簿書才罷又風塵草迷石徑
蛩聲切雨過沙岡鹿跡新未息世機還舊隱剛
隨時事役閑身浮生休問誰辛苦看取邯鄲陌
上人

和林道中

沙葱近水根猶活野韭經霜葉已乾烟雨漫
沙漠不知何處是長安

王景初

南湖道中

漠二烟中小艇回夫容花外有軒臺平湖一目
三千頃高臥南風看雨來

其二

氣涵雲水草堂虛莎末風來午夢餘起逐隣翁
上船去藕花深处看欸魚

其三

三年夢不到江湖慚愧烟波舊釣徒今日扁舟
渡何日臥聽風雨鬧黃蘆

窮途歌贈李漢

君不見人生堂二七尺軀安能貧困守一隅青
雲黃鵠看一舉直須遠遊浩蕩觀九區羲和有
車不我脚坐使惟悴悲窮途窮途不須悲有酒
更須酌玉劔匣幽塵英雄半凋落蟲魚紙上癡
半生有眼何堪望臺閣休二世間万事俱悠
悠布衣未必輕王侯天門耽二臥九虎被疑往
叫君何求

吳維申

廬陵吳嵩

車遙二

車遙二舟遙二斷送行人幾暮潮車馳道路不
停軌舟挾風波難住橈家中雖貧常在目每恨
舟車苦相促但行一日兩日程生死與君非骨
肉瞿唐水深蜀山高檣傾轅折不憚勞何當万
里隨君去得似篙師與車馭

古釵歎

何年美人寶釵失深井沉泥污玳瑁一朝拾得
再揩磨三回五回看嘆息雙鸞匹鳳兩股勻終

然汚色難為新當時光瑩照頭上有似桃李搖
青春今人不識古儀狀寶釵雖好非時樣為君
插罷擁髻悲物無貴賤皆隨時

東園有桃李

東園有桃李倚日如娉婷春風一吹拂過眼成
青二青二不可恃行復秋已零誰能觀无始坐
此累有形俯仰百年內死生俱未停

西齋

西齋客已散今日我得閑細二花上雨蕭二兩
中山兩鳥從何來對立鳴關二微生共節序此

意相往還夜者曾劇飲東風吹醉顏忽見一花
落起坐為長嘆人生快心事故在偶然間

呈劉省菴

昔年漢宮舞玉佩懸明珠儂二群女中桃李搖
光腴一笑承主恩浩蕩春風初流光去人短零
落同榛蕪尚持娉婷姿顧影羞泥塗同時金屋
人半臂紅羅襦醉促琵琶弦歡酒歌帳廬翻伶
漢恩淺未盡平生娛空坐獨永夜回首雙淚俱
大節誠未脩不如長捐軀烟塵令人老末路多
踟躕

送舍弟歸鄉

風急晚花落雲長秋鴈回相看猶表亂此去更
驚猜涕淚何時盡音書數日來窮途兄弟少懷
抱可勝哀

已別復携手依二未忍行向來垂万死能不惜
餘生鄉國多青草風烟動紫荆十年已多感回
首若為情

古意

美人插新花恨不逐時好花亦解自憐紅顏易
成老

宋子虛

吳門宋无

公莫舞

公莫舞公莫舞鴻門王氣歸真主何人睚眦赤
龍子手循玉玦目相語今公莫舞公楚舞劍光
射日白虹吐人殺殺機天不與撞斗帳中咲亞
父霸業明朝弃如土

妾薄命

雲母屏琢春冰鮫女織綃蟬翼輕比妾二薄命
比君二薄情紅綿拭鏡照膽明還疑妾兒非傾
城傾城從來有人妬况復君心不如故故人心

尚峯九疑新妾那能無故時補天二高填海二
深不食蓮葍不知妾心

烏夜啼

露華洗天二墮水燭光燒雲半空紫西施夜醉
芙蓉洲金縷玉簧咽清秋鞦韆月行春雷洞
房花夢酣不回宮中夜二啼栖烏美人日二歌
吳歛吳王國破歌聲絕鬼火青熒生碧血千年
壞冢穴狐兔烏銜紙錢挂枯樹髑髏無語滿眼
泥曾見吳王歌舞時烏夜啼二為誰身前歡樂
身後悲空留琴怨傳相思烏夜啼二別離

樂府五首

自君之出矣妾自奉尊章知君不思妾二當思
故鄉自君之出矣

朝來莫還去寒潮不曾住江水二有情佳期幾
番誤江上意

昨夜相逢處朦朧春夢中遠西書不到莫是戍
遠東長相思

征衣須早寄遙憶蒙砧寒莫訝啼痕少相思淚
正乾寄衣曲

姑嫜有妾奉征戰益郎行早取封侯去封侯妾

六榮成婦言

華蓋峯道人

十步九岩壑結茆无四隣山中春雨過水上落花新采藥逢毛女焚香對羽人時携一瓢酒醉著去朝真

李翰林墓

一騎紫鯨去空掩謝山瑩落月今誰弔長庚夜自明乾坤沉秀氣江水帶哀聲天上多官府文章不可輕

遊天姥山

欲去不得路自將蘿葛捫相逢采藥叟偶入落花村晴草鹿眠軟雨潭魚上渾無人動烟火應取曉霞吞

銅陵五松山中

樵聲聞遠林流水隔雲深茆屋在何處桃花無路尋身黃松上鼠頭白竹間禽應有仙家住辟秦來至今

寄王子長

薄官仍依楚長間傍酒壚客愁三月盡春夢五更初吟卷看花掩行床並竹鋪江湖有佳句知

我每相於

金陵送倪水西之江陵

楚江_二上暮雲東萬里春波去意濃
桃葉歌殘秣陵酒梨花夢斷景陽鍾
沅湘水落瓊瑤合巴蜀山來錦繡重
回鷹峯前見歸鴈相思何處再相逢

詠石得天字

肢脉崑崙折胚渾混沌先靈分玄島時秀聚景
雲鮮覆壓風雷窟枝撐宇宙穿峻嶒歆篠霧歷
棘聳蘿烟業_二栖危壁磷_二過瘦涓雨攻繩罨

斷浪擊彈窩圓筆架珊瑚豎屏帷碼碯偏骨攢
猛鬼聳脊凸老蛟吟劍卓空蒼色牙森紫翠顛
醜宜鑄鳥篆剛可利龍泉恠潰潮痕濕頑和地
軸連質管稍映帶薜荔葉縈磊砢虵身縮崩
崢鳳勢翩薜侵題字處藤絡倚筇邊碎礫鋪文
貝尖峰斫黛蓮竇深亭向商楚潤土花沿儼若
我冠者昂如峻士焉磴危欺木屐礫泮_二空直
移恐嵐光動捫嗔野蔓牽衝湍聲類磬激瀑韻
成弦硬性碎斤鑿嵌形欠畫傳鼓歌傷莫續鼎
句歎難聯砥礪誠由著磨礪學乃遷蓄奇希抱

璞煉餌訖飛仙寸勢垂千仞嵬胎結幾年岩輝
知產玉峽東見奔川織女支機穩山人作枕便
隕星沉戰域敲火出漁舡異或稱羊化疑應訝
虎眠龜埋遺碣下麟什古塋前屹立中流壯平
施大楚堅懷沙嗟放逐凝魄惜嬋娟德必穹碑
紀詞當巨硯研險思經灑瀕功擬勒燕然嵩岱
歸諸掌蓬瀛寄一拳不須填碧海直欲補青天

郭以道

海東青

真定郭君彥

海東俊禽異鵬鷃金睛玉爪非凡材八月風高
度潮海劍翻怒斫雲陣開虞人設網心獨苦獲
之不敢觸毛羽為言此禽獻
天子年二進入明光裏驛使長懷万里憂傷者
還同殺人罪君不見唐太宗魏公入奏久未去
不知鐵鷁死懷中小臣但願
聖皇脩德放此鳥自有鳳凰銜瑞菑飛下五雲
表

入京二首

帝踞龍盤十二門
王侯第宅若雲屯
百蛮入貢天威遠
四海朝元國勢尊
曉日旌旗明禁路
春風蕭鼓沸名園
唐堯虞舜今皇是
未必江潭老屈原

其二

鳳凰城闕壓金湯
龍盾旌旗護未央
萬國衣冠朝玉座
百蛮歌舞進瑤觴
花迎官扇紅雲曉
日照天袍翠霧光
江海小臣無以報
空將詩句美成康

王靜得

長沙王夢應

晚望

望盡西南一隙明
荒野色弄微醺
青烟白骨行人老
苦竹黃芦細路分
寒鴈不來秋似水
故園何處草如雲
高懷久為凭闌盡
更遣西風化白紛

和清明上冢韻

酒壺花擔發雙明
陌上携扶笑語聲
桑葉影圓春欲曉
棟花寒退雨初晴
官官記夢曾傳燭
襖客無詩定罰觥
老影年霜露感牛羊躑躅亂

孤瑩

東歸

一指仍為別他鄉
渡避兵客隨風雨
老春著鼓輦輕宇
宙閑何事艱危得
此生門前一溪水
幾日到江城

甲申元日

上日仍漂寄尊前
客又非鄉心眠聽
雨病骨晚添衣街
鼓春將動簾燈寒
未歸梅花經一雪
幾片不曾飛

吳閑閑

玄德真人 番易吳全節

送虞伯生使蜀

送別應思舊所經
秦川花柳短長亭
三峰高拊仙人掌
萬里先占使者星
錦水東流江月白
潼關西去蜀山青
當年不盡登臨意
待汝重鑿劍閣銘

朝罷寄山中諸友

五年四觀

六龍飛又領群仙
覲

紫微金闕雲烟浮
黼辰

玉階日月麗旌旗庭臣奉

璽勤三讓

國母臨朝重萬機桃熟山中知幾度月明長憶
釣魚磯

題饒氏雨樓

夜夢蒼虬遶屋梁曉看飛雨洒浪二潤涵琴調
清風遠涼入書聲白晝長翠壁凝雲二石乳綠
疇翻浪沃金穰何時剪燭西窗下却聽簷花共
醉鄉

黃松瀑

黃石翁可玉

望雲

日出五丈高白雲浩如海城郭在雲中山人在
雲外望雲二氣深入雲二氣淺亦欲入深雲不
知雲近遠

午日

世故一炊柔吾生百煉銅客情傷髮白醒眼對
榴紅遠岫冥二雨踈衣細二風欲論千古恨不
見楚南公

寒食客中

明朝便典黑貂裘寒食宜無數日留烟斷舊嘗
悲介子火衰今不祀商亡百年盡付風吹柳一
兩遠隨山入樓安有五矢鯖到我自脩茶事試
香篝

其二

慘淡微茫斷客魂家難忘處家難言南陵不可
避風雨麥飯何如托子孫往事滄江惟白鳥誰
家鐵撥送清尊欲尋隱者相傾倒烟柳深不見
見門

李坦之

高將軍白鷄子歌

李道坦

淮西猛士高將軍新獲驍禽被涼素調之弗顧
情未狎跨馬辟出東城去征鴻作字雲邊斜聳
身直上誰能遮天寒日暮望不見北風萬里吹
瑤花雲飛忽斷鴻飛却短草長烟際沙漠但餘
孤色搖清秋未許纖毫生碧落歸來玃衛不解
韉親手餽肉供飢啜英雄遇合固有分可惜驚
塵俱白頭

吊古行

蒼梧之南湘水頭烟波逐客增離憂重瞳孤墳
閔白日雙娥貞珮搖清秋江空夜聞鬼對泣
罷仍為鼓瑤瑟二聲漸杳江聲長丹楓墮影天
霜白臨江被髮招帝魂拔劍欲斷東流奔東流
無窮帝不返烏乎薄俗無由淳

杜鵑行

吾聞昔有蜀天子化作冤禽名杜宇一身流落
懷故鄉萬里逢人訴離苦西來縱呼巫峽間楚
臺花落青春閑臺中魂夢久寂寞行雲日暮愁
空山明朝復向瀟湘發北叫蒼梧江竹裂竹間

之淚花上血怨入東風俱不滅天涯無窮朝暮
啼王孫草綠不思歸哀哉王孫終不歸江南江
北楊花飛

春日行

東風千樹吹流鶯曉窗隔霧花冥二美人窗間
動曉思鶯聲枕上提春心塵中日出花滿城二
南春深楊柳青王孫不歸消息斷深閨無人春
草生草生猶有時王孫何日歸斜陽照流水萬
里長相思東園三月花爛開西隣胡蝶雙飛來
明朝蝶去春無主閉門花落愁如雨

絃扇行

誰家玉貌蒙清霏手揮絃扇臨東池瀟湘搖波
月弄影隔波疑見湘之妃淚痕竹上猶未滅一
尺冰絃萬愁結風吹翠袖卷寒烟汗入紅肌凝
素雪深閨無人涼氣早輕薄恩情易衰老昔隨
胡蝶上春花今逐杯螢向秋草不見班姬漆翰
時空遺漢宮題扇詩千年怨墨已流落一天霜
露沾人衣

張伯雨

題范監雲林清遠

句曲張天雨

華陽范監居幽眇不到玄扃未易逢山氣半為
湖外雨松聲遙蒼嶺頭鍾常聞神女騎龍過亦
有仙人跨鶴從安用乘流三萬里小天元在積
金峯

兩懷郭子昭御史

洞戶霾雲晝不開大茅南面水縈迴深山此日
蛟龍喜舊雨故人驄馬來礪道浮槎高寄樹石
幢陰篆濕生苔銷愁底用金陵酒賸引窪尊枕

瀑雷

題范德幾東坊藁

一編上有東坊字，慚愧詩中見。大巫直想瘦，生如飯顆竟。從癢處得麻姑，咸池水淺孤黃鶴。空谷天寒照白駒，擬共風流接杯酒。只愁塵土沒雙鳧。

寄倪元鎮

雨水初寒雪復作，春風相欺何太顛。誰依井竈皆獸迹，獨擁書冊猶鳶肩。枸杞埋根乍難斲，櫻桃放花殊可憐。賀監宅前舊遊處，快放柳條維

酒缸

次韻元鎮

衣桁常容蛛網懸，石床渾讓女蘿牽。道術何煩孔郎祀，屋廬政用却超錢。泉崩澗底歸樵路，雨壓厨頭蒸术烟。誰見西林拆書夜，一枝風竹鷓鴣眠。

懷茅山

我有草堂南洞門，常時行坐席同群。丹光出林掩明月，玉氣上天為白雲。遙憶田泉洗蒼术，更思陶澗采香芹。歸來閉戶償高臥，莫遣人書白

練裙

薛玄卿

萬歲山

上清薛玄義

萬歲仙山聳碧空
廣寒春殿寂當中
橋連綺石通三島
路遠銀河接兩宮
柳拂甘泉巢翡翠
花凝太液下冥鴻
年二此地經遊輦
自是承平樂未終

送文郎中使交趾

天子龍飛統萬邦
玉符封檢下殊方
遠人盡是雕題獠
奉使唯應粉署郎
翡翠飛時銅柱濕
鸕鷀啼處石門荒
炎風苦雨煩玳重
萋葉揆榔取

次嘗

送陳都事使雲南兼寄李仲淵

送君銓選使滇池部落諸賢想自題明日先經
夔子北長風却度夜郎西山橫塞兩驛驪滑花
散蠻雲杜宇啼為問霜臺李廉訪白頭官滿尚
羈栖

送真一

西山紫翠鬱夫容師住逍遙第一峰滕閣雨收
瞻駐鶴楚江沙長羨降龍有時帶月鉏靈藥無
事焚香對古松謾憶京華舊遊處蓬萊坊畔五
雲東

何潛齋

嚴陵何夢桂

乙卯春過西湖

白髮星二紗帽烏怕隨年少過西湖清明上冢
行人在寒食關門宮使無半世行箴隨杖屨百
年悲樂寄尊壺歸來第五橋邊路半樹斜陽噪
畢逋

上雷忠齋

昆明灰出化塵緇夢遶邯鄲黍一炊鍾子未將
南操變庾公空抱北朝悲歸來眼底湖山在去
後心期浙水知白首門生憐未死青衫留得裹

遺屍

上張按察

玉節星軺浙水邊好將疾苦問愚黔十羊九牧
鞭俱弊一鼠群鴉肉未馱地處覆盆遮日月天
教持斧拯閭閻吳山不逐行人老畱取聲名衆
具瞻

見梅懷方山房

玉堂佳人中瓊英月下乍見心眼明香心野雪
騷不死幽韻天風吹更清玉龍聲高夜漏下綠
衣舞短天雞鳴歲寒相見苦易別安得白頭敦

弟兄

讀書有感

短髮凌霜強自搔可能書劍更徒勞春秋已降
功名薄秦漢而來智術高天外寸心孤鴈影人
間萬事九牛毛却怜刺股徒辛苦狐貉何曾恥
縕袍

晚雨

已當天色暮况復雨霏微落葉元無定因風更
自飛壯心歎客枕寒事到征衣明日臨晴霽黃
花看晚暉

寄田按察

尊酒長亭憶別離參差吹斷竟誰悲我懷知己
慙駿茂公喜逢人說項斯一塢烟霞雙鬢老數
間茅屋二天私錢塘日暮長江濶薄擷芳馨寄
所思

贈楊古淡

南山有岑樓岑樓高落星娟_二樓上女悠_二撫
朱繩當年猗蘭操翻作長短吟世無古人但
遺千古心_二長韻逾遠疏越難可尋曲盡無人
聽月落霜滿城

毛靜可

郡文學建安毛直方

擬古

高堂列綺席賓御何委蛇粲_二金芙蓉春葩照
蛾眉檀槽起清籟鐵撥弣鷓鴣_二聞筵中曲不
聞曲中詞蕭_二青冢魂化作秋鴈歸玉關去時
淚點_二濕朱絲豈知哀怨情及此懽笑期彈者
錦纏頭聽者金屈卮但令今人樂不惜古人悲

其二

野色倏已暝零露沾我裳行役悲險艱仰愧歸
鳥翔羈愁浩難收壯髮日已蒼遠林烟火微投

宿扣村庄居人畢刈穫笑語井臼傷問客來何
疲母乃仕與商所慎在出門奚怨中路長

雜怨

種蓮恨不早得藕常苦遲誰知心中事久已各
懷思

花開能夜合草葑解宜男對花今有恨見草秣
應慚

江南曲

津頭聞別語三載以為期安得中山酒醒日是
歸時

沽酒酌江神菽舡相送餞舡去浪如席舡回風
似箭

妾薄命

妾肌如玉顏如花長眉窈_二青山斜深閨學成
新婦禮鏡鸞不與畱年華昨朝東隣裁嫁衣今
朝西隣催結褵自憐孤燈照春夢年_二風雨梨
花時不怨父母貧不恨蹇脩拙妾生賦命自坎
壝底用閑情寫紅葉千絲萬絲霜練光與誰織
作雲錦裳千針萬針兩黼黻與誰佩服朝明堂
吁嗟妾薄命薄命可奈何失時還自羞失身羞

更多妾寧失時無失身平生分定月下繩但把
貞心守貞色肯信嬋娟解誤人

獨駿圖

連天首着青茫二鹽車鼓車紛道傍肉駿汗血
不可常擢奇侷倘晦若蔽五之六之無留良如
此獨步何堂二日三品豆慎所嘗天閑逸氣誰
能量一尺之箠五尺韁了與轡絡俱相忘大僕
御直儼冠裳庭前榻上婉清揚有詔有詔且勿
忙一洗凡馬鑾鏘二我觀此圖筆意長欲言尚
寄田子方

贈替師曹將軍

泰階煌二色已齊祥飈為掃蚩尤旗幅員浩蕩
春臺熙不遣桴鼓驚鉏犁羽林宿衛環三陲居
安却慮忘戰危整暇自許忘其機司馬八法律
以規菟苗獮狩凜弗違碧油有幢儼軍師手持
帟節談魚麗閩關不以山與溪歌舞七德宣
皇威有來視師省檄飛將軍名已草木知干戈
俎豆睢陽時已分勾當江南歸汭芳奕葉今孫
枝此行且賦從軍詩時清未用歌采薇
天子有道守四夷

野宿

歸恨逐春深，遲休欲縮程。
遠山何處碧，落日故鄉明。
路改柴門僻，村空石磴鳴。
乞蔬仍買米，一宿尚營營。

秋感

宇宙百年身，江湖萬里心。
世情高枕遠，詩味閉門深。
白髮銷窮達，青山傲古今。
情知秋亦客，何事感秋吟。

漁父辭

萬里清江兩槳船，一竿一縷水雲邊。
平生不識

書與劍也，得醉飽供閑眠。

呼兒買米得新粳，渙村且喜見秋成。
今朝嘗新真草，二好釣鱸魚來煮羹。

得魚穿柳持上溪，二村杳，二屋稀，二莫恠渙翁

頭易白，去年買魚人又非。

黃旗網運牛馬走，阜衣追呼雞狗喧。
深傍蘆花搖櫓去，遙望漁人是水仙。

本無租賦本無田，不知曆日不知年。
誰信漁家小舡上，猶是無懷并葛天。

黃昏舡泊有鄰居，明朝舡散又還無。
君笑我如

浮萍草我看君似水中鳧
溪槁竹邊有酒沽携魚換酒滿胡蘆蓬頭月上
不覺醉自卷蘆葉吹鳴

悼亡

從事龜山亦偶然寧知長別恨終天當時去就
商量錯不似牛衣十八年
客中自有未招魂剪紙空教夜祭門萬一相逢
今夜夢恨多應是兩忘言
奉倩傷神不是癡人生百感有真機飄零遺墨
殘針線與淚無期自一揮

僧虛谷

徑山僧希陵

錢唐懷古

先帝乘龍上天去
蒼涼臺殿鎖秋陰
三千禮樂自興廢
百二山河無古今
朔馬夜嘶江月冷
塞鷹秋入海雲深
誰知歌舞繁華地
五寺鐘聲出翠岑

金陵懷古

金陵王氣消殘盡
月夜唯聞笳鼓哀
地勢自從江面斷
潮聲長到石頭來
千官冢廢枯霜骨
萬馬營空長綠苔
古往今來無限事
傷心吟上冢

高臺

過觀上人院

縈迴松迳綠苔封半入烟雲縹緲中鐘磬歇時
山殿靜香燈殘處石堂空龍驚呪鉢翻秋月帟
繞經壇嘯樹風瀑布岩東僧定日異花晴晝兩
濛二

送劉學士歸姑蘇

十年翰苑似閑居無事晴窗只看書病楚賦成
因鵬鳥歸吳志在托鱸魚風生澤國蘆花盛秋
入關河柳葉疎久歷官途心自賦姑蘇隱處即懸車

